

წინამდებარე დოკუმენტის 1-ელ, მე-2 და მე-3 ნაწილში მითითებული ცვლილება ძალაშია 25.01.2019-დან, 25.01.2019-მდე გაფორმებული „საბანკო მომსახურების პირობებისთვის“ აღნიშნული ცვლილებები ძალაშია 25.02.2019-დან.

წინამდებარე დოკუმენტის მე-4, მე-5 და მე-6 ნაწილში მითითებული ცვლილება ძალაშია 25.02.2019-დან.

ინტერნეტ-გვერდზე www.procreditbank.ge განთავსებულ საბანკო მომსახურების პირობებში შევიდა შემდეგი ცვლილებები:

1. გაუქმდეს „საბანკო მომსახურების პირობების“ მე-2 მუხლის მე-14, მე-15 და 24-ე პუნქტები და დაემატოს შემდეგი შინაარსის 2¹ მუხლი:

“მუხლი 2¹. თანხმობა ინფორმაციის დამუშავებაზე

1. ამ მუხლში მოცემული ტერმინების განმარტება:

ა) **ინფორმაციის დამუშავება** - ავტომატური, ნახევრად ავტომატური ან არაავტომატური საშუალებების გამოყენებით მონაცემთა მიმართ შესრულებული ნებისმიერი მოქმედება, კერძოდ, შეგროვება, ჩანერა, ფოტოზე აღბეჭდვა, აუდიოჩანერა, ვიდეოჩანერა, ორგანიზება, შენახვა, შეცვლა, აღდგენა, გამოთხოვა, გამოყენება ან გამჟღავნება მონაცემთა გადაცემის, გავრცელების ან სხვაგვარად ხელმისაწვდომად გახდომის გზით, დაჯგუფება ან კომბინაცია, დაბლოკვა, წაშლა ან განადგურება;

ბ) **ინფორმაცია** - კლიენტი იურიდიული პირის და/ან ფიზიკური პირის შესახებ საბანკო, კომერციული, პერსონალური მონაცემების, ბიომეტრიული მონაცემების შემცველი ნებისმიერი ინფორმაცია;

გ) **პირდაპირი მარკეტინგი** - ფოსტის, სატელეფონო ზარების, ელექტრონული ფოსტის ან სხვა სატელეკომუნიკაციო საშუალებით საქონლის, მომსახურების, დასაქმების ან დროებითი სამუშაოს შეთავაზება;

2. საქართველოს კანონმდებლობით დადგენილი მოთხოვნების გათვალისწინებით:

2.1. კლიენტი აცხადებს თანხმობას და უფლებამოსილებას ანიჭებს ბანკს, დაამუშავოს კლიენტის შესახებ ინფორმაცია, მათ შორის, ხელმისაწვდომი გახადოს ინფორმაცია ბანკის დამფუძნებელთათვის და მათი მაკონტროლებელი სუბიექტებისათვის, ხელმისაწვდომი გახადოს სხვა სახელმწიფოსა და საერთაშორისო ორგანიზაციისთვის, აგრეთვე სხვადასხვა მომსახურების გამწვევი მესამე პირებისათვის, მხოლოდ შემდეგი მიზნებისათვის:

- კლიენტისთვის ნებისმიერი სახის საბანკო მომსახურების განევა;
- კლიენტის განცხადების გარეშე, ბანკის მიერ, ცალმხრივად, კლიენტისთვის საბანკო/საკრედიტო პროდუქტების შეთავაზების მიზნით;
- კლიენტის მიმდინარე საკრედიტო პროდუქტების მონიტორინგის მიზნით და კლიენტის გადამხდელუნარიანობის გადამოწმების მიზნით;
- კლიენტთან დაკავშირებული პირებისთვის საკრედიტო მომსახურების განევის მიზნით და მათი მიმდინარე საკრედიტო პროდუქტების მონიტორინგის მიზნით. ამ პუნქტის მიზნებისთვის კლიენტთან დაკავშირებული პირები არიან: ნებისმიერი მესამე პირი, რომელიც პირდაპირ ან არაპირდაპირ ფლობს კლიენტის აქციებს/წილს ნებისმიერი ოდენობით (დამფუძნებლები, პარტნიორები და სხვა), ნებისმიერი მესამე პირი, რომელშიც კლიენტი პირდაპირ ან

არაპირდაპირ ფლობს აქციებს/წილს ნებისმიერი ოდენობით, კლიენტის ოჯახის წევრები, აგრეთვე ნებისმიერი პირი, რომელიც ბანკთან გაფორმებული ხელშეკრულების საფუძველზე წარმოადგენს კლიენტის სოლიდარულ მოვალეს და/ან თავდებს, აგრეთვე ის პირი, რომელთა სოლიდარული მოვალე და/ან თავდები არის კლიენტი;

- ბანკის მიზნებისათვის სხვადასხვა ტიპის კვლევის/მომსახურების განხორციელება;
- ბანკის დამფუძნებელთან ანგარიშგება;
- საბანკო მომსახურებასთან დაკავშირებული ექსპერტიზის ჩატარება;
- პირდაპირი მარკეტინგი;
- სხვადასხვა (ვიზა, მასტერქარდი და სხვა საბანკო მომსახურებასთან დაკავშირებულ) წამახალისებელ გათამაშებაში მონაწილეობა;
- კანონმდებლობით გათვალისწინებული სხვა შემთხვევები.

2.2. კლიენტის მიერ წინამდებარე თანხმობა გაცემულია ზემოაღნიშნული მიზნებით ინფორმაციის დამუშავებისათვის საჭირო ვადით. იმ შემთხვევაში, თუ კლიენტთან გაფორმებულია გენერალური ხელშეკრულება (საბანკო პროდუქტებით/მომსახურებით სარგებლობის მიზნით), გენერალური ხელშეკრულების მოქმედების ვადით.

2.3. ინფორმაცია შესაძლებელია დამუშავდეს მხოლოდ იმ მოცულობით, რომელიც აუცილებელია ზემოაღნიშნული მიზნების მისაღწევად. ამასთან, პირები, რომლებიც ამუშავებენ ინფორმაციას, უზრუნველყოფენ ინფორმაციის, საერთაშორისოდ აღიარებული უსაფრთხოების სტანდარტებისა და საუკეთესო პრაქტიკის შესაბამისად, დაცულ გარემოში შენახვას და გაცვლას დაცული საკომუნიკაციო არხების მეშვეობით. ინფორმაცია ბანკში ინახება მხოლოდ იმ ვადით, რომელიც აუცილებელია ინფორმაციის დამუშავების მიზნის მისაღწევად კანონმდებლობითა და ბანკის წესებით დადგენილი შენახვის ვადების გათვალისწინებით.

ინფორმაციის დამუშავებაზე კლიენტის მიერ უარის თქმის შემთხვევაში, ბანკი უფლებამოსილია უარი თქვას კლიენტის მომსახურებაზე და/ან შეწყვიტოს მასთან გაფორმებული ნებისმიერი სახისა და შინაარსის ხელშეკრულება.

2.4. კლიენტი უფლებამოსილია, გარდა კანონით გათვალისწინებული შემთხვევებისა, ნებისმიერ დროს მოსთხოვოს ბანკს მის შესახებ მონაცემთა პირდაპირი მარკეტინგის მიზნებისათვის გამოყენების შეწყვეტა. კლიენტი აცხადებს, რომ მისთვის ცნობილია მისი უფლებების შესახებ, მოითხოვოს ინფორმაციის შემდგომი დამუშავების შეწყვეტა, მხოლოდ იმ შემთხვევაში, თუ ის ან მასთან დაკავშირებული პირი არ სარგებლობს ბანკში მიმდინარე საკრედიტო/საბანკო პროდუქტებით, ასევე მოითხოვოს მის შესახებ არსებული მონაცემების გასწორება, განახლება, დამატება, დაბლოკვა, წაშლა და განადგურება, თუ ისინი არასრულია, არაზუსტია, არ არის განახლებული, ან თუ მათი შეგროვება და დამუშავება განხორციელდა კანონის სანაწილდემდეგოდ.

3. კლიენტი თანხმობას აცხადებს, რომ სს „პროკრედიტ ბანკმა“ კანონმდებლობით დადგენილი წესით, წინამდებარე მუხლში მითითებული მიზნებითა და ამ მიზნების განსახორციელებლად საჭირო მოცულობით, მიიღოს და დაამუშაოს, სსიპ - სახელმწიფო სერვისების განვითარების სააგენტოს მონაცემთა ელექტრონულ ბაზაში არსებული, ბანკისთვის აუცილებელი, კლიენტის პერსონალური მონაცემები.

4. სს „პროკრედიტ ბანკი“ შეაგროვებს/დაამუშავებს პირის შესახებ ყველა იმ საკრედიტო/არასაკრედიტო და სხვა რელევანტურ ინფორმაციას, რომელიც დაკავშირებულია საკრედიტო საინფორმაციო ბიურო(ებ)სათვის ინფორმაციის მიწოდებასთან და ინფორმაციის მიღებასთან საქართველოს კანონმდებლობით გათვალისწინებული წესითა და პირობებით. წინამდებარე ინფორმაცია მუშავდება კლიენტის გადამხდელუნარიანობის ანალიზის მიზნისათვის

და ხელმისაწვდომი იქნება საკრედიტო საინფორმაციო ბიუროში ჩართული მომხმარებლებისათვის კანონმდებლობით დადგენილი წესით (სესხის გამცემი ორგანიზაციები და ინფორმაციის მიმღები/მიმწოდებელი პირები).

მომხმარებლის (მათ შორის, მონაცემთა სუბიექტი) მოთხოვნის შემთხვევაში, მონაცემთა დამამუშავებელი ვალდებულია გაასწოროს, განაახლოს, დაამატოს, დაბლოკოს, წაშალოს ან გაანადგუროს მონაცემები, თუ ისინი არასრულია, არაზუსტია, არ არის განახლებული, ან თუ მათი შეგროვება და დამამუშავება განხორციელდა კანონის საწინააღმდეგოდ“.

2. შეიცვალოს „საბანკო მომსახურების პირობების“ მე-6 მუხლის მე-3 პუნქტი და ჩამოყალიბდეს შემდეგნაირად:

“3. კლიენტი ასევე აცხადებს თანხმობას, ბანკისაგან მიიღოს ნებისმიერი სახის ინფორმაცია (მათ შორის შეტყობინება მისი მონაცემების საკრედიტო საინფორმაციო ბიურო(ებ)ს ბაზაში გადაცემის შესახებ, ასეთის საჭიროების შემთხვევაში) და შეტყობინებები ბანკისგან წინამდებარე განაცხადში მითითებულ ტელეფონის ნომერზე ე.წ. მოკლე ტექსტური შეტყობინების (SMS) ან ავტომატური ხმოვანი შეტყობინების, ელ-ფოსტის ან წერილის სახით. კომუნიკაციის ფორმას (SMS/ელ. ფოსტა/წერილი) ყოველ კონკრეტულ შემთხვევაში ირჩევს ბანკი თავისი შეხედულებისამებრ”.

3. შეიცვალოს „საბანკო მომსახურების პირობების“ მე-16 მუხლის 22-ე პუნქტი და ჩამოყალიბდეს შემდეგნაირად:

“22. ბარათის მფლობელს/ბარათით მოსარგებლეს შეუძლია დაუკავშირდეს კონტაქტ ცენტრს, კოდური კითხვა-პასუხის გამოყენების მეშვეობით გაიაროს იდენტიფიკაცია და მიიღოს ინფორმაცია ბარათის და/ან ბარათთან დაკავშირებული ოპერაციების შესახებ და/ან დაბლოკოს ბარათი”.

4. შეიცვალოს „საბანკო მომსახურების პირობების“ მე-16 მუხლის 49-ე და 50-ე პუნქტები და ჩამოყალიბდეს შემდეგნაირად:

„49. ბარათზე ნებისმიერი ცვლილება ხორციელდება ბარათის მფლობელის წერილობითი განაცხადის საფუძველზე. ცვლილების მოთხოვნით ბარათის მფლობელს შეუძლია მიმართოს ნებისმიერ სერვის პუნქტს. გამონაკლისი არის მხოლოდ ბარათზე ძირითადი ანგარიშის ცვლილება (გარდა ვიზა ბიზნეს ბარათისა), ბარათის დაბლოკვა და სტოპ-სიაში ჩასმა, ბარათზე დღიური განაღდების/გადახდების ლიმიტის ცვლილება (გარდა ვიზა ბიზნეს ბარათისა), რომლ(ებ)იც ასევე შესაძლებელია სატელეფონო ზარის საშუალებით, შემდეგ ტელეფონის ნომერზე: *222 +995 32 220-22-22, +995 599 214 214 - მხოლოდ 09:00 საათიდან 21:00 საათამდე“.

„50. 3D Security (3D კოდი)

კლიენტს შეუძლია ბარათს მიანიჭოს ასევე 3D კოდი (3D Security), რომელიც წარმოადგენს უნიკალურ ონლაინ იდენტიფიკატორს. 3D კოდი გამოიყენება “Verified by VISA” და/ან “MasterCard SecureCode” სტატუსის მქონე ვებ-გვერდებზე შესყიდვების დასადასტურებლად და წარმოადგენს დამატებითი უსაფრთხოების საშუალებას VISA და MasterCard ბარათებით ინტერნეტ შესყიდვების განხორციელებისას. 3D კოდი ცნობილია მხოლოდ ბარათის მფლობელისათვის.

კლიენტი ვალდებულია განხორციელოს ბარათისათვის 3D კოდის მინიჭება, წინააღმდეგ შემთხვევაში ბანკს არ აქვს უფლება გაასაჩივროს „Verified by VISA“ და/ან “MasterCard SecureCode” სტატუსის მქონე ვებ-გვერდზე 3D კოდის გარეშე განხორციელებული ტრანზაქცია.

პროკრედიტ ბანკის VISA და MasterCard ბარათებზე 3D კოდის მინიჭება ხდება უშუალოდ ბარათის მფლობელის მიერ ინტერნეტ შესყიდვის განხორციელებისას, კერძოდ როდესაც შესაბამის ვებგვერდზე (“Verified by VISA” და/ან “MasterCard SecureCode” სტატუსით) კლიენტი შეძენის მიზნით ირჩევს სასურველ პროდუქციას ან მომსახურებას, ბარათის ინფორმაციის დაფიქსირების შემდეგ მოხდება ავტომატური გადამისამართება ვებგვერდზე (<https://vbv.procreditbank.com>), სადაც შესაძლებელი იქნება კლიენტმა გაიაროს შესაბამისი რეგისტრაცია და მიანიჭოს ბარათს სასურველი 3D კოდი.

რეგისტრაციისათვის საჭიროა შემდეგი ინფორმაცია:

- ა. ბარათის მფლობელის დაბადების თარიღი;
- ბ. ბარათის მფლობელის პირადი ნომერი;
- გ. ბარათის მფლობელისათვის ბანკში მინიჭებული კლიენტის ნომერი;
- დ. ბარათის მოქმედების ვადა;

ბარათზე 3D კოდის მინიჭების პროცესის გავლა საჭიროა მხოლოდ ერთხელ, ხოლო მისი გამოყენება ხდება ყოველი ინტერნეტ შესყიდვის დასადასტურებლად „Verified by VISA“ და/ან “MasterCard SecureCode” სტატუსის მქონე ვებ-გვერდზე. 3D კოდის სამჯერ არასწორად შეყვანის შემთხვევაში მოხდება არსებული 3D კოდის დაბლოკვა.

კლიენტს შეუძლია 3D კოდის დავინყვების ან დაბლოკვის შემთხვევაში, დაუკავშირდეს კონტაქტ ცენტს *2222, +995 32 220 22 22 - მხოლოდ 09:00 საათიდან 21:00 საათამდე“.

5. შეიცვალოს „საბანკო მომსახურების პირობების“ მე-19 მუხლის მე-7 და 7¹ პუნქტები და ჩამოყალიბდეს შემდეგნაირად:

“7. ზემოაღნიშნული მოთხოვნების შესრულება დაეხმარება კლიენტს უსაფრთხოდ გამოიყენოს პლასტიკური ბარათები. ნებისმიერი შეკითხვის შემთხვევაში, კლიენტს შეუძლია დაუკავშირდეს კონტაქტ ცენტრს: *2222; +995 32 220-22-22, +995 599 214 214 (09:00 საათიდან 21:00 საათამდე) ან support@procreditbank.ge; ასევე დეტალური ინფორმაცია შეგიძლიათ იხილოთ ბანკის ოფიციალურ ვებგვერდზე: www.procreditbank.ge“.

„7¹. პლასტიკური ბარათის დაბლოკვა - ბარათის დაკარგვის ან მოპარვის შემთხვევაში, ასევე, თუ პინ-კოდი, 3D კოდი და/ან ბარათის ზედაპირზე განთავსებული ინფორმაცია ცნობილი გახდა მესამე

პირთათვის, ბარათით მოსარგებლე/ბარათის მფლობელი ვალდებულია დაუყოვნებლივ დაბლოკოს ბარათი ერთ-ერთი არხის საშუალებით:

- ინტერნეტ ბანკინგის ფუნქციით „პლასტიკური ბარათების დაბლოკვა“ მენიუდან „ჩემი ბარათები“;
- ბანკის მონაცემთა ბაზაში დაფიქსირებული ბარათით მოსარგებლის/ბარათის მფლობელის მობილური ტელეფონის ნომრიდან მოკლე ტექსტური შეტყობინების (SMS) გაგზავნით ნომერზე 2022 (SMS ტექსტი: BLOCK და დასაბლოკი ბარათის ბოლო 4 ციფრი მაგ.: BLOCK1234, ხოლო ბარათის ბოლო 4 ციფრის გასაგებად გააგზავნეთ შეტყობინება ნომერზე 2022 SMS ტექსტით 14). ბანკი ბარათით მოსარგებლის/ბარათის მფლობელის იდენტიფიკაციას მოახდენს მობილური ტელეფონის ნომრით, რომელიც დაფიქსირებულია ბანკის მონაცემთა ბაზაში ბარათით მოსარგებლის/ბარათის მფლობელის ტელეფონის ნომრად.
- დაუკავშირდეს ბანკს წინამდებარე დოკუმენტში მითითებულ საკონტაქტო მონაცემებზე – მხოლოდ 09:00 საათიდან 21:00 საათამდე ან მიმართოს ბანკის ნებისმიერ სერვის პუნქტს, კლიენტთა მომსახურების საათებში“.

6. შეიცვალოს „საბანკო მომსახურების პირობების“ მე-20 მუხლის 26⁷ პუნქტი და ჩამოყალიბდეს შემდეგნაირად:

“26⁷. ინტერნეტ ბანკინგით მომსახურების დაბლოკვა - თუ კლიენტს გაუჩნდა ეჭვი იმისა, რომ მისი მომხმარებლის სახელი და პაროლი გახდა ცნობილი მესამე პირისთვის და/ან მისი დივიპასის, მობილური ტელეფონის და/ან TAN-ის საგენერაციო სხვა ელექტრონული მოწყობილობის/საშუალების დაკარგვის შემთხვევაში, ასევე მომხმარებლის სახელის და პაროლის გამჟღავნების შემთხვევაში, კლიენტი ვალდებულია დაუყოვნებლივ დაბლოკოს ინტერნეტ ბანკინგი შემდეგი საშუალებით:

- დაუკავშირდეს ბანკს წინამდებარე დოკუმენტში მითითებულ საკონტაქტო მონაცემებზე მხოლოდ 09:00 საათიდან 21:00 საათამდე, ან მიმართოს ბანკის ნებისმიერ ფილიალს, ფილიალის სამუშაო საათებში;
- ბანკის ვებგვერდიდან: <https://online.procreditbank.ge>, 24 საათის განმავლობაში, ერთჯერადი კოდის საშუალებით, კლიენტი მოახდენს ინტერნეტ ბანკინგის მომსახურების დაბლოკვას. აღნიშნული ერთჯერადი კოდი, კლიენტის არჩევანის შესაბამისად, გაეგზავნება მას ინტერნეტ ბანკინგის ხელშეკრულებაში მითითებულ ელექტრონული ფოსტის მისამართზე ან შეთანხმებულ მობილური ტელეფონის ნომერზე, ან თავად დააგენერირებს ინტერნეტ ბანკინგის დასაბლოკად ვალიდურ კოდს TAN-ის საგენერაციო საშუალების - დივიპასის/მობაილ-თოქენის მეშვეობით, ბანკის ოფიციალურ ვებგვერდზე: www.procreditbank.ge მითითებული ინსტრუქციის შესაბამისად“.

